

Utoqqarnut immikkut siunnersuisarfimmik pilersitsinissamik pisariaqartitsineq periarfissarlu pillugit kingusinnerpaamik 2017-imi kommuninik oqaloqatiginninissamik Naalackersuisut peqquneqarnissaat pillugu Inatsisartuni aalajangiiffigisassatut siunnersuut. Kommuninik oqaloqatigiinnerit inernerit iliuserisassatullu eqqarsaatigisat utoqqaallu siunnersorneqarnerisa patajaallisarneqarnissaanut aningaasaliinissamut periarfissat kingusinnerpaamik UPA 2018-mi allakkatigut Inatsisartunut nalunaarusiarineqassapput.
(Inatsisartunut ilaasortaq Debora Kleist, Inuit Ataqtigiit)

Akissuteqaat

(Isumaginninnermut, Ilaqutariinnermut, Naligiissitaanermut Inatsisinullu Atuutsitsinnermut Naalackersuisoq)

Siullermeerneqarnera

Naalackersuisut siunnersuummut qujassuteqarput.

Naalackersuisut suleqatigiinnissamut isumaqatigiissutaanni pingaarnertut utoqqarnut politikkip imaraa naleqassuseq – oqimaaqatigiinneq pitsaassuserlu aallaavigalugit. Nunatsinni utoqqalineq pitsaasuusaaq. Suleqatigiinnissamut isumaqatigiissummi pingaaruteqarluinnarpoq utoqqartatta ulluinnarni inuunermi peqataalluarnissaat isumagissallutigu.

Utoqqaat amerlanerulersimapput, taamatuttaaq utoqqalinersiaqartut amerlanerulersimallutik utoqqarnut isumaginninnikkut siunnersorluarneqarnissamillu pisariaqartitsitsisunik. Ukioq 2030-mi utoqqalinersiaqartut ullumikkumit marloriaatinngorsimassapput. Siornatigornit inuummartunerulersimaneq, utoqqaallu amerlanerujartornerat pitsaasuvoq.

Inuiaqatigiittut suliassatta pingaarluinnartut ilagaat utoqqartatta toqqissisimanartumik sinaakkutaqarnissaat. Toqqissisimanerup ilagaattaaq isumaginninnikkut, aningaasaqarnerullu tunngasutigut, soorlu utoqqalinersiaqarneruq pillugu siunnersorneqarnissamut periarfissaqarneruq.

Naalackersuisut Isumaginninnermut Aqutsisoqarfimmik pilersitsinikuupput, kommunit ulluinnarni isumaginninnikkut suliannik annertoqqusiinissamik pingaarnertut suliassaqartumik. Isumaginninnermut Aqutsisoqarfik ineriartortsitsinnermut siunnersuisoqassaaq, kommuninit ilaatigut inuttalernerqartumik. Taamaaliornikkut ataavartumik qanittumik attaveqatigiinnerit, ineriartortitsineq isumaginninnermut tunngasutigut, qulakkeerqarput – illoqarfinni nunaqarfinnilu – utoqqarnut suliat ilanngullugit.

Utoqqaat atugaat pillugit Isumaginninnermut Aqutsisoqarfimmit siunnersorneqarnissamik ilitserorneqarnissamillu periarfissaqartussaavoq. Siunnersorneqarnissamut pisariaqartitsinerit soorlu makkuusinnaapput, utoqqalinersiaqarnermut, ineqarnermut tapiissutit, utoqqaat angerlarsimaffiannut nuunnani nammineq angerlarsimaffigisamiiginnarsinnaanermut periarfissat kiisalu isumaginninnikkut atukkat ulluinnarni inuunermut sunniuteqartunut

tungassuteqartut. Utoqqarnut immikkut siunnersorneqarnissamut pisariaqartitsiviusinnaavoq inoqarfinni atortorissaarutitsigut periarfissatigullu killilimmi najugaqaraanni.

Taama oqaaseqarlunga siunnersuutip akuersissutigineqarnissaa innersuussutigaa.